

Saturday, July 26, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

MNF PRESS CONFERENCE

MNF Party chuan kawngpui siamna tur pawisa awm reng chung a kawng siam that a ni lo chu paw i an tih thu sawiin Mizoram sorkar in mipui te a zah lo nia an ngaih thu an sawi.

Vawiin khan Aizawl Press Club-ah MNF Party hian Chanchinbu mite an kawm a, an General Secretary Pu J. Malsawmzuala Vanchhawng chuan ZPM sorkarin kawng siam nana chhiah a lak Road Maintenance Cess tlingkhawm pawh cheng vaibelchhe 25 chuang (25,54,57,771) a tling tawh a ti a. Chhiah petu mipui tan sorkar chu rin zui a harsat a rin thu a sawi bawk.

Pu J. Malsawmzuala Vanchhawng chuan Mizoram mamawh chawh luhna kawngpui Kawnpui atanga New Chalrang kawng chu an hriat theih chinah a chhiat ber tum niin a sawi a, kawng siam chungchangah sorkar chu a mawhphurtu lian ber niin midang mawhpuh tur zawng kual loa kawng siamtha thuai turin a ngen bawk a ni.

MNF Party chuan chhiah lak hrim hrim chu an sawisel lo tih sawiin, mipuiin chhiah an pek khawm chu engtin nge hman a nih chu an ngaipawimawh tih an sawi a, tuna kawng siamna tur chhiah la chung si a kawng a chhe leh si chu a paw i an tih thu an sawi bawk.



AIZAWL MARKET

Mizoram chhung hmun hrang hrangah kawng chhia tam tak awm mahse thlai hnah leh Mizo chawhmeh lakluh leh inthawn kawngah harsatna a awm lo.

Tukin khan kan Correspondent chuan Aizawla chawhmeh bazarpui a tlawh kual a, thlai zuar tute chuan tunlai hian Mizoram hmun hrang hrang atangin Aizawlah Lo a chin chi chawhmeh a thleng nasa tih an sawi a, anhnah leh thlai pawh a tlawm lai a ni mek tih an sawi bawk.

Behlawi, bawkbawn leh maian te a tlawm a, thal laia cheng 50 man kha tunah chuan cheng 20 bawrin a lei theih mek a, anhnah tel dang pawh cheng 50 man ni thin kha cheng 30 te in a lei theih mek bawk a ni.

Bazar-a chawhmeh zuar tute chuan, thlai chu a tam lai a nih avangin a to thei lo tih an sawi a, chutihrualin thlai hnah chu tam lai nei, rei vak lo hnua rem leh duak thei a nih avangin a hralhna man zat chu a danglam ve reng thei tih an sawi.

Chawhmeh leia bazar kal te chuan thlai man tlawm lai a nih avangin bazar a nuam an ti a, thlai a tharlam tha tih an sawi bawk.

Lakhuihthei erawh a man a tlawm lo thung, pum lian deuh cheng 100 a la ni a, pum khat cheng 50 man leh pum thum cheng 100 man te a la ni hlawm a, lakhuihthei hi Bazarpui bakah Aizawl khaw dai lam Bawngkawn atanga Durtlang Leitan panna kawng sir leh Zemabawk leh Thuampui inkar kawng sirah te zuar an tam hle a ni.



DRUGS SEIZED

Central YMA chuan kar hmasa chung khan Heroin hawng 8 an man a, hemi kaihnhawihah hian mi 41 man an ni bawk.

Central YMA hnuaia CADS chuan July ni 19 leh July ni 25 inkar khan No. 4 : Hawng - 8, Methamphetamine box 7, Tictac bur – 165, damdawi thahnem tak bakah Ganja kg 3 leh gram 890 bakah Ruihhlo kaihnhawihah hian mi 41 an man tel a, Excise and Narcotics kutah mi 6 hlan an ni a, Counselling class kal mi 24 an awm bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.



ASF

Siaha District ah ASF hrileng vangin ni 110 chhungin vawk 3183 a thi tawh.

Siaha District Animal Husbandry and Vety Department a chhinchhiah danin African Swine Flu hrileng avangin ni 110 chhung in vawk 3183 a thi tawh a, heng vawk thi te hi Chhungkaw 1215 vulh lai a ni.

Siaha khawchhungah hian Council Vaih ah chhungkaw 72 vulh vawk 227 thi in, a tuar nasa ber veng an ni a, Zokhua lamah Amotlah ah vawk thi a tam berin chhungkaw 48 vulh lai vawk 108 thi a ni.

Thudawn dan in African Swine Flu hi Siaha District ah kumin April ni 6 khan report hmasa ber niin, kiam lam pan tawh mahse July ni 24 thleng khan ASF avang a thi vawk report a awm reng a ni.

ASF avanga thi vawk te hi a vulhtute hnenah sawrkar lam atang zangnadawmna an dawnglo niin thudawmna chuan a tarlang bawk.



PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 123-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

